



卷之四 領南之西嶺

後世之西嶺也嘗疑子諱庶子

大嶺之名義與庶同色義異時故而確

之 春秋筆削大義微言考 (二) 代

禮記卷之三各禮是這 (清) 康有為 著 現正金

西樵歷史文化文獻叢書

春秋筆削大義微言考（二）

（清）康有爲 著

· 桂林 ·
廣西師範大學出版社



圖書在版編目（CIP）數據

春秋筆削大義微言考：全二冊 /（清）康有為著。
桂林：廣西師範大學出版社，2016.7
（西樵歷史文化文獻叢書）
ISBN 978-7-5495-8642-4

I. ①春… II. ①康… III. ①中國歷史—春秋
時代—史籍研究 IV. ①K255.04

中國版本圖書館 CIP 數據核字（2016）第 183145 號

廣西師範大學出版社出版發行

（廣西桂林市中華路 22 號 郵政編碼：541001）
網址：<http://www.bbtpress.com>

出版人：張藝兵

全國新華書店經銷

廣西大華印刷有限公司印刷

（廣西南寧市高新區科園大道 62 號 郵政編碼：530007）

開本：890 mm × 1 240 mm 1/32

印張：30.75 字數：350 千字

2016 年 7 月第 1 版 2016 年 7 月第 1 次印刷

定價：118.00 元（全二冊）

如發現印裝質量問題，影響閱讀，請與印刷廠聯繫調換。

總目

一	評介
五	春秋筆削大義微言考(民國六年刊本)書影
七	作者題詞
一五	徐致靖序
一九	自序
二五	發凡
四一	例言
四三	原刊本目錄
四五	卷一 隱公
一五	卷二 桓公
一八五	卷三 莊公 閔公附
三一七	卷四 僖公

四四一	卷五	文公
五二三	卷六	宣公
五九三	卷七	成公
六六三	卷八	襄公
七六一	卷九	昭公
八五九	卷十	定公
九一五	卷十一	哀公

春秋筆削大義微言考

春秋筆削大義微言考卷五

南海康有為更生學

文公

名興周襄王二十六年即位

一年春一月公即位

一年春一月公即位

元年春王正月公即位

穀梁傳繼正即位正也

二月癸亥朔日有食之

無傳

王使王子虎來會葬

王使王子虎來會葬

天王使叔服來會葬

公羊傳其言來會葬何會葬禮也何君述口說日常事書者文公

春秋左傳句解卷五

文公

萬木草堂叢書

不肖諸侯莫肯會之故書天子之厚以起諸侯之薄叔服者王子虎也不稱王子者時天子諸侯不務求賢而專貴親親故尤其在位子弟刺其早任以權也魯得言公子者方錄異辭故獨不言弟也諸侯得言子弟者一國失賢輕穀梁傳葬曰會其志重天子之禮也不修春秋當作王子虎孔子改之爲叔服去王子之稱以明國家貴求賢審官而不得專用親親攬權在位也蓋人情莫不用親親而太古以族制爲國更專以親親任事魯三桓鄭七穆晉六卿楚屈景凡春秋諸國皆是也風俗所成法制所限雖聖如孔子不得大位賢若閔子仲弓子路冉有僅爲邑宰貴胄據高位英俊沈下僚非祇禮失其平亦復才不勝任蓋貴胄世祿驕淫矜奢既不讀書鮮克由禮以任國事鮮不僨矣夫天生民而立之君百司庶職選賢與能以供天職乃公理也且專用一家之才與兼用天下之才孰勝此又不待辨者也然據亂之世必尙親親今滇黔桂

各士司皆用其至親任職不用他姓讀書應試皆限其子弟爲之不許平民暹羅國制百官盡用王族不用他姓安南專用黎阮皆王族也亦其例五胡之入中國劉石符姚慕容宇文耶律莫不專用親親蓋自私其國然也自孔子發此義漢後用之以高爵厚祿待至親以庶官百職任賢才二千年來白屋之子有才能者徒步而至公卿天才咸無天闕人士皆得上達高才通學可柄國權雖選舉未盡善亦可謂升平之治矣國朝禁親王不得入軍機蓋用此法其升平之義比歐洲世爵之風殆更過之孔子立一法而益於天下後世如此

夏四月丁巳葬我君僖公

穀梁傳薨稱公舉上也葬我君接上下也僖公葬而後舉謚謚所以成德也於卒事乎加之矣此明薨後稱公葬後舉謚之義公者諸侯之至尊故臣民於死後從而尊稱性行有前後改易或始賢

而終惡失節於晚歲或先惡而後賢改行於暮年必待蓋棺乃能
論定君相皆關生民之大命有諡以爲之褒貶既使及身知戒亦
使後人知警故名之曰幽厲雖有孝子慈孫百世不改所以戒君
相者至矣晉時諡賈充爲醜唐時諡許敬宗爲謬一字之貶嚴於
鈇鉞猶得孔子正名立諡之義意焉蓋諡以易名諡者身後之名
也孔子曰疾沒世而名不稱又曰立身行道揚名於後世又曰身
不失天下之顯名又曰必得其名又曰善不積不足以成名又曰
君子去仁惡乎成名蓋鄭重於沒世之名而非仁不得令名名者
所以補政刑之終而立教化之始也夫名者雖虛而非實賓而非
主而人情既有好惡既知榮辱則名者榮辱之所繫好惡之所關
人情之所固有也非由外鑠之矣故有捨生就死辭富居貧苟名
所在人將趨之如使人無榮辱之心無好惡之向則名誠無用矣
故人性者好實利亦好虛名者也野蠻多好利文明多好名野人

多好利君子多好名聖人者因人情以爲之飾立名諡以厲其虛且欲使天下之人皆進文明故尤以名爲重也故教曰名教理曰名理義曰名義法曰名法其他名君名臣名儒名士無不以名言之至於諡者身後之名所關尤重蓋生身雖壽不過數十年身後之名可以千萬載爲人日短爲鬼日長以生時言之則實利可愛以身後言之則榮名爲難故甯殖弑君臨死則憂名在諸侯之冊曹操篡國至死則題墓曰漢故將軍然則名諡所以黜奸雄之魄而引志士之趨所繫大矣人誰不死孰有千秋孔子曰齊景公有馬千駟死之日民無德而稱焉伯夷叔齊餓于首陽之下民到于今稱之堯舜華盛頓死之久矣而人無不慕榮祿剛毅雖生而人唾罵之名諡之爲義大矣後世臣子過用諛詞於是諡法不足以昭法戒然觀歐美之俗好名特甚其富人多捐金千數百萬爲學校善院而以其名名之者其游險阻艱難尋得新地者亦皆以其

春秋筆削大義激言考

一一二

名名之以冀不朽名之能奪人實利如此異日升平太平之世其必以名諡爲風俗政教之主乎

天王使毛伯來錫公命

公羊傳錫者何賜也命者何加我服也何君述口說曰主書者惡天子也古者三載考績三考黜陟幽明文公新卽位功未足施而錫之非禮也穀梁傳禮有受命無來錫命錫命非正也此明三載考績黜陟無新卽位而錫命之例又明有往受命而無來錫命之義古者侯國如今高麗安南但託名藩屬而不純臣孔子假借以定名分後世王侯遂用此制

晉侯伐衛

無說

叔孫得臣如京師

無傳何君述口說曰書者與莊二十五年同知不爲喪聘書者聘

爲貢職天子當得異方之物以事宗廟又欲以知君父無恙不以喪廢故不譏也如他國就不三年一譏而已此明諸侯之貢欲知君父安否不以喪廢之義

衛人伐晉

無說

秋公孫敖會晉侯于戚

無傳

冬十月丁未楚世子商臣弑其君髡

穀梁傳曰髡之卒所以謹商臣之弑也夷狄不言正不正何君述口說曰不言其父言其君者君之於世子有父之親有君之尊言世子者所以明有父之親言君者所以明有君之尊又責臣子當討賊也此明臣子弑君父之罪又明臣子當討之不得以世子赦也春秋子弑父者大書之凡二所謂作春秋而亂臣賊子懼者也

宋孝武帝之討元兇劭義也然古今篡弑之禍多矣而臣子多隱忍從賊坐視不討乃至如商臣者亦得保全一國覲然奉以爲君此則天理蔑而人綱絕無復可言者矣

公孫敖如齊

無傳何君述口說曰書者譏喪娶吉凶不相干此明喪不得娶之義說見下二年公子遂如齊納幣

二年春二月甲子晉侯及秦師戰于彭衙秦師敗績

二年春二月甲子晉侯及秦師戰于彭衙秦師敗績

二年春王二月甲子晉侯及秦師戰于彭衙秦師敗績

無傳何君述口說曰稱秦師者愍其衆惡其將前以不用賢者之言匹馬隻輪無反者今復重師敗績師敵君不正者賤之不嫌得

敵君

丁丑作僖公主

公羊傳作僖公主者何為僖公主也何注為僖公廟作主也

子長尺二寸主者曷用虞主用桑何注禮平明而葬日中而反虞以陽求陰謂之虞者親喪以下

壙皇無所見求而虞事之虞猶安神也用桑者桑猶喪也取其名與此靈

處猶練主用栗何注謂期年練祭也埋虞主於兩階之間易用栗

吉祭練主用栗也夏后氏以松柏殷人以柏周人以栗松猶容也想

見其容貌而事之主人正之意也柏猶迫也親而不遠主地正之

意也栗猶戰栗謹敬貌主天正之意也禮士虞記曰桑主不文吉

主皆刻而謚之蓋為禘祫時別昭穆也用栗者藏主也何注藏于

虞主三代同者用意尙靈柩未暇別也廟室中堂

所當奉事也作僖公主何以書譏何譏爾不時也其不時柰何欲

質家藏于室久喪而後不能也何君述口說曰禮作練主當以十三月文公亂

聖人制欲服喪三十六月九月作練主又不能卒竟故以二十

五月也日者重失禮鬼神穀梁傳作為也為僖公主也立主喪主

於虞吉主於練作僖公主譏其後也作主壞廟有時日於練焉壞

廟壞廟之道易檐可也改塗可也此明亂聖制而久喪又明廟主

制古者喪制無定故易曰喪期無數大概風俗通行以暮年為多

故記曰至親以朞斷宰我曰朞已可矣孟子曰是欲爲朞之喪而不能也然時王未有定制故得聽時人隨意改易孔子得改爲二十五月墨子得改爲三月文公又改爲三十六月漢文帝改爲三十六日翟方進自以漢相亦從三十六日服之制後漢王恂著六年之服趙宣爲二十餘年之服亦以漢時未有定制故也孔子二十五月實則再朞記曰再朞之喪三年也加隆焉爾矣唐王元感誤以三年爲三十六月蓋不知經義而妄解者也墨子攻孔子爲久喪以二十五月過於三月此攻文公久喪以三十六月久於二十五月也孔子改制本人情以爲禮旣不可短於二十五月故宰我言朞以爲短喪又不可久於二十五月故以文公三十六月爲久喪也蓋什一之稅三年之喪孔子所定所謂中庸也夫孔子所以加倍於期年者以爲子生三年然後免於父母之懷而又不肯久者則以送死有已復生有節也皆斟酌損益準情酌理孔子之